

զէնս յԱսորիս՝ և 'ի կողմանս Բերիոյ 'ի դաշտին Տաղբէ կոչեցեալ, երկոքին հզօր բանակքն պատահեցան միմեանց, խորտակեալ ցրուեցան Եգիպտացիք 'ի ստէպ յարձակմանէ հրանօթից, և Ղաւրի անկաւ 'ի ճակատի անդ: Սէլիմ տարածեաց զզէնս իւր 'ի Պաղեստին՝ և հասեալ 'ի Ռեմէէ բանակեցաւ անդ, և ել յերուսաղէմ՝ յուխտ ընդ մեծամեծս իւր, յամսեանն Դեկտեմբերի յորում իջանէր յորդ անձրեւ, և անտի չորքաւ 'ի Քերրոն, եւ վերստին դարձաւ 'ի բանակն, և իրրեւ պատրաստէր 'ի չու՝ խաղալ 'ի սահմանս Եգիպտոսի, առաջի եդ նմա մի ոմն 'ի նախարարաց զդժժուարութիւն ճանապարհին անջրդի անապատին, բարկացեալ Սէլիմայ ընդ բանս նորա, ետ հատանել զգլուխն, եւ ինքն հորդան ետ զօրօքն: Իսկ Թոււման Պայի եղբօր որդի Ղուրիայ, թագաւորեալ յԵգիպտոս՝ ել բազմութեամբ զօրաց 'ի կողմանս Ղազգէի, եւ բանակեցաւ ընդդէմ Օսմանցւոց, և նախ քան զտալ նշան մարտին. ընտրեաց զարս երիս 'ի քաջաց իւրոց, որք էին արք կորովիք ամրացեալք երկաթապատ զրահիւք. եւ յարձակեալ նոքօք ձեղքեաց զկարգ զօրացն Օսմանցւոց, և անցեալ եհաս 'ի վրան արքային. և տեսեալ զՎեզիրն մեծ Սինան Փաշայ՝ կարծելով թէ նա ինքն Սէլիմ իցէ, եհար զնա եւ տապալեաց անդ. սպան նաեւ զգանձապետ արքային, եւ 'ի յազմկի անդ իրրեւ գիտաց թէ չհասին զօրք իւր զինի՝ և ինքն պաշարի 'ի վտանգի, փախուցեալ ել անտի՝ եւ դէմ եդեալ դնաց յԵգիպտոս իւրովքն հանդերձ: Իսկ արքայն Սէլիմ կարգ եդեալ Նէնիչերի զօրաց՝ դիմեաց 'ի սահմանս Եգիպտոսի, և եհաս 'ի Գահիրէ քաղաք. եւ յետ արիւնահեղ սպտեւրազմաց զոր մղեաց ընդդէմ Քեյսէմէնից, տիրեաց բովանդակ երկրին, և ձեռնակալ արարեալ զԹոււման Պայի ետ հանել 'ի կախաղան 'ի Գահիրէ 'ի դուռն Պապ Զուէլէ կոչեցեալ՝ ուր ընկալաւ զանուն փոխանորդի Մարգարէին, ժառանգելով զանուն Սալիֆայութեան. և կարգեալ կուսակալս և վարիչս երկրին, ինքն դարձաւ 'ի Ղազգէ և անտի 'ի Դամասկոս, ուր հանդիստ ետ զօրաց ամիսս ինչ, եւ երկրորդ անգամ եկն յերուսաղէմ, ընդ առաջ ելին նմա բնակիչք քաղաքին և Պատրիարքունք Հայոց և Յունաց հանդերձ միաբանութեամբ իւրեանց. էին ընդ Սէ-